


# SINEÁMI PAGÓTAMI JAPI PIRE OMAANA ECHI USANSA MAKOI KICHAO MUNICIPIOCHI ESTADO CHIHUAHUA NIRUAMI, SINEÁMI PAGÓTAMI BAYELÍWA KITI NOCHAMA ECHI PAGÓTAMI YUA JAPI NOCHAAMI JU ECHONÁ INSTITUTO ELECTORAL CHIHUAHUA KITI MA CHOTASIPARE INESIA JEPUKA JAWABA RIKA JAPI WEALA JAWAMI ESTADO CHIHUAHUA ECHI BAMIALI OKUA MILIMAKOI KICHAO, JENA JAWAAMI KO SUNIMA ECHI BAMIALI OKUA MILI MAKOI OSANAO



INSTITUTO ESTATAL ELECTORAL  
CHIHUAHUA

## JENA BAYELIWAMI.

Echi pagótami japi a nochanali ko echoná Instituto Electoral a bitibasare oselíchi ali nijisare echi japi solicitud aneliwa ali ma inebare jepuka niyurima rika kiti iyaba nochali echoná Instituto Electoral kiti simama nochasia jareana municipiochi japi usansa makoi kichao ju.

### I. Echi pagótami japi re'ema acha iyaba rika echi nochali echi ko a olasare japi animea jenaí relei aye.

- Consejero Presidente** (jena pagótami ko nulemare jarecho japi consejero ju ali secretario aneliami).
- Secretario**. Echi secretarios ko ju (pagótami japi ne ala machiká nokimea kiti ne ala machináma echi napawiliwami aliayenacho asaami ju).
- Consejeros Electorales**. Echi consejeros Electorales ko ju (pagótami japi animea acha nokiboa wecha ke tasi nokiboa oke echi namuti japi nokiwá).
- Suplente**. Ko ju (pagótami japi nikuurami ju japali ke omerosa nawayá nochasia echi bachami waluala wiliami).

### II. Echi pagótami japi re'ema acha iyaba rika echi nochali echi ko a olasare japi animea jenaí relei aye.

- Jenaí Mexico awiami nisare.
- Echi rewalá a inarosare echoná oselíchi japoná animea kiti ma omeroma ania jepuka nima echi wiliamiwala echi rewalá ko a bo'isare echoná oselíchi japi registro federal aneliwami ju ali a olasare taa oselí japi credencial aneliwami japoná chuku echi pagótami chu'ála foto aneliwami nali copia tami tosare.
- Osamakoi bile simiraami bamiba nisare.
- Ke tasi isiami nisare echi isimiwami wabe chati japi ke tasi naki japi nokiboa echi nulaliwami.
- Japire ke usani micha bitelisaka echoná municipiochi, tasi omeroma japi ke echoná mi bitea isimí ko usani micha.
- Japire ami isiamti nisaka kiti wilarami nima japirika Diputados, ali Siliamika, Bisirente ma ali jarecho namuti ma japali ke cho simarosa bikia bamibali japali echirika isili tasi omeroma nocha echi Instituto Electoral yua.
- Japire ke tasi cho simarosa bikia bamiali japali nochali japirika partidos político aneliwami.
- Ayena a omeroma nocha echoná japoná nocha echi weala jawaami.
- Japire ke tasi cho simorosaka bikia bamiali japali wabe weala jawaami nili echoná Estadochi japirika siliamika Bisirente ma.
- Japi ke tasi nochaami nili japirika wabe walubeala wiliamika echoná Instituto Nacional Electoral.

### III. Oselí japi newaleliwa kiti omeroma nocha echoná Instituto Electoral Chihuahua.

Echi pagótami japi nochanali ko echoná Instituto Electoral yua a nijisare echi oselí japi jenaí relei animeare kumi iyena tami nijibareechi emi oseliwaala.

- Oficina del Instituto Electoral ali echoná Chihuahua, Av. División del Norte, #2104, Colonia Altavista, Chihuahua, Chihuahua.
- Oficina del Instituto Nacional Electoral ali echoná Chihuahua japire ta machinaliaka kumi iyena jawi echi oficina atami aasare echoná internetchi aneliachi <https://www.ine.mx/estructuraine/juntas-locales-ejecutivas/directorio-jle/>;
- Omaana bisirensiachi Municipales ali jarecho japoná mi napawia noka echi pagótami ali japonamuchui echi oonami.
- Echoná paginachi internetchi Instituto Electoral Chihuahua niruami <http://www.ieechihuahua.org.mx>.

### IV. Oselí japi newaleliwa

- Oselí copia aneliwami japoná inaro moje rewalá ali japi ani kumi mi awikami ju ( Oselí acta nacimiento aneliwami).
- Oselí taami biwaraamti japi credencial aneliwami nali echi ko ke tasi mi nijima copia nali mi nijisare ne ala machiná newariwelisare mojé chu'álá ali japi oserua uchui echoná bachami ali upaka echoná taa oselíchi.
- Oselí japoná ani kumi mi bité we nali tasi mi nijisare original aneliwami copia nali mi nijisare.
- Oselí oseruami japi nijima echi waluala wiliami japi animea kumi mi bité chuwe oseli ma japi animea kumi mi bite.
- Bile oselí oseruami japoná animea chimí sia nochanali echoná Instituto Electoral Estado Chihuahua aneliachi.
- Oselí oseruami japoná inaroma mojé rewalá ali animea kumi mi bité ali animea chi iyirí número ju mojé telefonowala ali kumi mi nochala ali piri nochali mi ijosili ali chi iyena mi me bineamika ali chi iyirí nochali mi nochanali.
- Ami osimea bileana oselíchi japoná mi animea kumi mi nochali ( jena ko mi animeare echoná upaka oselíchi).
- Oselí japi newaleliwa japi kitra machiboa ne ala machiná niraa echi japi kumi mi nochali ali piri mi nochali.
- Ami uchasare mojé rewalá japi firma aneliwami japoná animea ke bile ikaleka echoná upaka oselíchi japi mi osali suwaba japi mi taniliru japianimeana senaí relei aye.

- Japire ami isiamti nisaka kiti wilarami nima japirika Diputados, ali Siliamika, Bisirente ma ali jarecho namuti ma japali ke cho simarosa bikia bamibali japali echirika isili tasi omeroma nocha echi Instituto Electoral yua.
- Japire ke tasi cho simorosaka bikia bamiali japali wabe weala jawaami nili echoná Estadochi japirika siliamika Bisirente ma.
- Jenaí Mexico awiami nisare.
- Ke tasi isiami nisare echi isimiwami wabe chati japi ke tasi naki japi nokiboa echi nulaliwami.
- Japire ke tasi cho simarosa bikia bamiali japali nochali japirika partidos político aneliwami.
- Ayena a omeroma nocha echoná japoná nocha echi weala jawaami.
- Japi ke tasi nochaami nili japirika wabe walubeala wiliamika echoná Instituto Nacional Electoral.
- Japire ke usani micha bitelisaka echoná municipiochi, tasi omeroma japi ke echoná mi bitea isimí ko usani micha.

### V. Machiná niraa nokiwaami ali echi pagótami rewalá ali jarecho namuti echi pagótami níwala.

Echi oselí japi tami nijiba echoná Instituto Electoral we ala tibutamí nima tasi wesi ineripa echi oselí emi níwala kiti echirika ani echi nulaliwami.

### VI. Japali nijisare echi oselí.

Echi oselí japi newaleliwa kiti mi iyaba echi nochali ami niyurosaka ami nijisare okua inarachi octubre michá echali jonsa chotamare narea echi oselí echoná Instituto Electoral nochaami echi japi ralamuli juko Pima Warogio ali Tepewan ali jarecho a nen oki bile micha iyaba kiti omeroma nijia oselí sawaba japi taniliwami.

- Atami simasare nijisia suwaba echi oselí japi tami taniliru echoná oficinachi Instituto Electoral, japire tami ke tasi omeraka simibaa atami julasare correochi kitra echoná Av. División del Norte, #2104, colonia Altavista, código postal 31200, Chihuahua, Chihuahua, Japali tami julasare ko jena rawenti nisare lunes, martes, miércoles, jueves, viernes, be'á biji kimakoi hora inarachi jonsa chotalia nocha echoná, ali alii okua hora inarachi riweliwa nocha kiti ku simia kiti komea, we nali checho be a ku mo'í nochasia alii nao hora inarachi ali ko ma riwe nocha alii kichao hora inarachi pe sábado bi ke tasi echiyena ko mo'í nochasia, echali ko mo'í be'á makoi hora inarachi ali riwe nocha alii okua hora inarachi.
- Fax kitra ali jena número 614-432-19-80
- Correochi electrónico kitra a la cuenta: [oficialdepartes@ieechihuahua.org.mx](mailto:oficialdepartes@ieechihuahua.org.mx)

Echi pagótami japi bitiali oselíchi bacha yua ra'chabare echi japi a nijili ko oselí, ali ayenacho echi japi juali fax kitra ali correochi kitra tosare echi oselí echóna japoná yua ra'chaba.

Echi Instituto Electoral ko a nijima bile oselí kiti a ne ala machiná newariwelima kiti a nijiru echi oselí japi solicitud aneliwa ali jarecho oselí, ali ibili niraa echi pagótami japi a nijili suwaba oselí japi taniliru a iyarami nisare bile taraliwami japi número aneliwami echipuchi niraa.

Japire ke tasi nijisiwaka echi oselí japali aneiru kiti nijima ma ke tasi narekipa ma simarosaka echi rawenti.

### VII. Japali nijisare japire bile oselí ke iteli japi mi taniliru.

Japire tami ke omerosaka nijia bile oselí rikamti japi tami taniliru kichaosa makoi okua tami buyebare kiti tami omeropa nijia echi oselí japi tami kecho nijili japire ma simarosaka echi kichaosa makoi okua horas ali tami ke cho nijisa biji ma ke tasi tami omeropa nocha echi Instituto Electoral yua.

### VIII. Nokisare japi ani jenaí relei aye.

- Ro'áliwami oselíchi echi pagótami japi taniwa.
- Julaliwami oselí echoná Instituto Electoral.
- Ma inebare echi oselí acha alaka echona Instituto Electoral.
- Ma ro'ásipa oselíchi japi ma mayewa kiti nochama echi Instituto Electoral yua ali kepi tasi cho ala biji machiwa acha echi pagótami nima japi a omeroma nocha echi Instituto Electoral yua.
- Inebare acha ala machiamika kiti nokimea echi nochali japi nula echi Instituto Electoral ali ra'chasare echi pagótami yua japi taní echi.
- Echi oselí japoná ro'áiru echi pagótami rewalá japi ne bichiwalí japi nochama echi Instituto Electoral yua.

### IX. Ma ro'ásipa oselíchi japi ma mayewa kiti nochama echi Instituto Electoral yua ali kepi tasi cho ala biji machiwa acha echi pagótami nima japi a omeroma nocha echi Instituto Electoral yua.

Echi pagótami japi nochama echoná Instituto Electoral echi nokimea oselíchi ro'áya echi japi nijili suwaba oselí ali a ra'chama echi pagótami yua, ali machiripare internechi kitra ali jarecho namuti kitra japi ma nochama echoná Instituto Electoralchi.

### X. Japali ra'chaliwa.

Echi pagótami japi nocha echoná Instituto Electoralchi a anema echi pagótami japi a nijili echi oselí piri rawé ali chiriko ra'chabare echi yua, ali ma ta omeropa inenia internetchi kitra ali anebare kumi inesare internetchi kere ma echoná Instituto Electoralchi ma ali jarecho namuti kitra.

Ra'chabare echi pagótami yua ali naripare chi iyena me binekamika ali kumi nochaami nilaa.

### XI. Mali inarachi echi michá diciembre echi bamiali okua mili makoi kichao echi Instituto Electoral ko ma ne ala machiná niraa machimea jepuka nima echi pagótami japi nochama echoná Instituto Electoral jareana echi usansa makoi kichao municipios echi pagótami rewalá ko internetchi machinami ali perioricochi oficialchi jarecho namuti kitra

### XII. Municipio japoná nochama.

Echi nochali ko chotabare osamakoi inarachi echi michá diciembre, we nali jereana municipiochi ko chotama pe a chabenala kaachi jonsa echi bamiali okua mili makoi kichao.

Japi ke aniiru jena oselíchi kitra echi ko karewima echi Instituto Electoral Chihuahua niruami.

[www.ieechihuahua.org.mx](http://www.ieechihuahua.org.mx)

Para cualquier información adicional o aclaraciones, acudir a las oficinas del Instituto Estatal Electoral o comunicarse al teléfono: 01 (614) 432-19-80